

آبونه شرائطی : هر یر انجول  
سنه لکی (۴۰۰) التي ایلنی  
(۲۲۵) ؛ ممالک اجنیه ایچون  
سنه لکی (۴۵۰) ، آلتی آیلنی  
(۲۵۰) غروشدرد.

نسخه سی ۷،۵ غروشدرد .  
سنه لکی ۵۲ عددرد .

اداره خانه : باب عالی جاده سنده  
رشید افندی خاندنه

اخطارات

آبونه بدلی پشیندرد .

مسلمه موافق آثار مع المنونیه  
قبول اولنورد . درج ایدلین  
یوزیر ااده اولتماز .

والله یرهدی من یشاء الی صراط مستقیم

کتابخانه

۱۳۳۰

صاحب و مدیر  
اشرف ادیب

باش محرر  
محمد کاف

آدره س تبدیلنده آیرینجه  
• غروش کوندرلملیدرد .

مکتوبلرک امضاری واضح  
واوقوناقلی اولسی وآبونه  
مره نومروسنی محتوی  
بولوغسی لازمدر

ممالک اجنیه ایچون آبونه  
اولانلرک آدرسلرینک  
فرانسزجه یازلسی رجا اولنورد .

پاره کوندرلدیکی زمان نهیه  
دائر اولدینی بیلدیرلسی  
رجا اولنورد

آبعون اهدکم سیل الرشاد

اجتماعیانه غربی بیلور، بوزغورجیلور :

## قوتلی ایمانه، قوتلی اهدو

کائناتده هیچ بر حادثه یوقدرکه بلا سبب تحصل وتشکل ایده بیلسون. شتونجهان یکدیگرینه درین برعلاقه ایله مربوطدر. صورت ظاهر یهده هیچده نظردتی جلب ایتمین بو حقیقت بر آرتاریخه، روحیاته نفوذ ایدیورسه بارز بر متعارفه حالنده تظاهر ایدر. مکونائی اداره ایدن قوانین صمدانیه الکنجه برانتظام، الکن یوکسک بر قدرته هر ساحه یی جناح احاطه وتدویرینه آلمشدر.

قوانین طبیعی نه قدر قطعی ایسه؛ سیاره لری محرک لری ناصل بر انتظام تام داخلنده سیران ایدیورسه؛ مواسم اربعه ناصل زماننده اجرای حکم ایدیورسه؛ کیجه، کوندوز، حرارت، برودت ناصل معین شرائطه تابعه... ملترک حیاتی، انکشافاتی و اضمحلالی ده اویلهجه معین قوانین اجتماعیه تابعدر. علوم مثبت کبی علوم اجتماعیهده عصر حاضرده اعظمی برانکشافه مظهر اولدیغندن اولجه تصادف ایله ایضاح ایدیله بیلن بر چوق وقایع آرتق معما اولمقدن قورتولمشدر. بو کون «علم الروح اجتماعی» ملترک صفحات حیاتیه لرنده حامل اولان ماهیته کوره نتیجه لرینی بیلدیرمکده در.

مثلاً؛ عمومی اجتماعیات قانونلرندن بری اولان «افرادک مثبت سجه سی جمعیتک منفی فضایخنه فائق اولان هیئت اجتماعیه لر یوکسه لیر، جمعیتک منفی فضایخی افرادک مثبت سجه سنه فائق اولان هیئت اجتماعیه لر اضمحلاله محکومدر، دستوری ملترک تاریخ حیاتنده بر چوق وقایعک مفتاحیدر رومانک سقوطی، یونان قدیمک انقراضی بودستورله پک کوزل ایضاح ایدیله بیلور. ایشته عصر حاضرده هر شی علمی بر اساسه ربط اولنمشدر. حیات اجتماعیه هیچ بریرده تصادفه ترک اولنمامشدر. واقعا هنوز علمک ظفری یکرمنجه عصره رغماً دهاجوق اوزاقلرده بولونیور. بوکارغماً اجتماعی قانونلرک مقتضاسنه توفیق حرکت ایدن ملترده کورولمیور دکلدر. انکلیزلرک بتون دنیایی تحت اسارته آلمق ایسته ملری، اجتماعیات و روحیات قانونلرندن حسن استفاده ایده رک اداره ملل خصوصنده حاصل اولان ملکلرینک بر نتیجه سیدر. کرچه بوسیاست ایرکچ کندیسنی مقدر اولان عاقبه سور وکله یه جک ایسه ده ملترک روحیاتی کمال دقتله تعقیب ایتملری بر از وقت قزاندر مقده در.

بتون ضرب حال حاضرده اجتماعی بحر انلر مسئله سیله اشتغال ایتمکده در. باشده علم آدم لری اولدینی حالده مطبوعات، مؤسسات اعظمی بر اهمیتله استقبالی تهدید ایدن فوضالره قارشو پک حساس بر وضعیت آلمشدر. بودقت وغیرتک استهداف ابتدیی نقطه، صورت عمومیه ده، طبیعی مجرای

حیاتی واجتماعی سندن آریلان صنوف اجتماعیه یی طریق اساسی به ارجاع مفهومیله خلاصه ایدیله بیلور.

اجتماعی اصلاحاتیلرک الکنباشنده «کوستاولوبون» بولونیور. موسی الیه متعدد اثرلرنده جهانی قابلایان موازنه سز لکلرک تهدید کارنتایمچندن بحث ایده رک دینی، اجتماعی، اخلاقی عمده لریک رینه اقامه ایدیله بیله جک هیچ بر اساس بولنه مدیغندن اندیشه ایتمکده واستقبالک، اخلاقی، اجتماعی مبدألره اعتنا و حرمت سایه سنده تأمین ایدیله بیله جک فی ادعا ایتمکده در. صوک اثرلرندن اولان «جهان موازنه سنک بوزولمه سی» باشند باشه بو اندیشه نک محصولیدر.

هر ملت استقبالی معین اجتماعی قوانینک مثبت وحمایه کار دستورلرینه تودیع ایتمشدر. اجتماعی تشکیلات الکن علمی برانکشافه مظهر اولمقده در. بتون دنیا بو وضعیتده ایکن بالطبع هیئت اجتماعیه مزده تصادفه ربط امل ایده رک اجتماعیاتی اهل ایده مز. اساساً ترقی وتجدد خصوصنده متفق اولیان بر فرد ملت موجود دکلدر. هر کس برشیلر ایستیور. اقتصادی کمال، یوکسک بر تکمیل، دوغری برتجدد استحصالی شبهه سز الکن لزومی ویرنده بر آرزودر. مطبوعات ستونلرینی، قونفرانس لری، خصوصی مباحث لری سراپا بو موضوع اشغال ایدیور. بو علاقه هر شیدن اول استقبال ملت نامنه شایان تقدیردر. البت مصادمه افکاردن بارقه حقیقت ظهور ایده جکدر.

آنحقی عصر حاضر هر شیدن اول بر اصول عصریدر. عقله کلن هر مسئله برانتظامه ربط اولنمشدر. او قدرکه «اصول تربیه» دن باشلیه رق علمی، مادی سبیلردن حیات خصوصیه قدر هر شکل معین اصولره، معین شرائطه تابعدر. وآنحقی بو اصول مساعی نتیجه سیدرکه هر هانکی برغایه یه مثبت بر شیکلده وصول امکانی الکن ایدلمش اولویور. ایشته بزده مؤسس بر اصول مساعی بولنمامسیدرکه بعضاً ک حقیقی ودوغری اساسلری یا کلش اوله رق مخالف یولره سوق ایدیور.

ناتیماً، بر مقصدی ایستمک بشقه، اوکا واصل اولمق ینه بشقه در. چونکه ارزو ایله منتها اراسنده پک بیوک بر مسافه وارددر. بر انسان چوق ای شیلر دوشونه بیلیر. فقط اودوشوندکلرینی تطبیقه کلنجه اکثریا موفق اوله ماز. بو عدم موفقیت پک بسیط دکلدر. هدفه وصول ایچون طبیعی بر چوق یولر وارددر. بو یوللردن بعضیسی انسانی مقصدده ایصال ایدر. فقط یوزبیک مهالکله. بعضاً بو مجادله ده ضعیف دوشه رک یا کلش یوله صایلق احتمالی هر زمان موجوددر. بعض یوللرک رهگذاری او قدر مظلومدرکه ایلروده بر نورکی پارلایان غایه یه وصول سراب کبی امکانسز اولور. صکرا بو یوللردن بورومک ایچون وجودده کافی بر اقتدار، روحده یوکسک بر عزم، متین بر سجه اولمیدر. غایه سیاحلری دور عالم سیاحلرندن ده اچتین بر ساحه یه آتیلمشدر.

شخصلرده بوصورتله تجلی ایدن ترقی و کمال یولنه هیئت اجتماعیله  
موضوع بحث اولورسه شرائطها مشکله شیر . برانسان عنزم واراده  
ایله اقوال وحرکاتی ایسته دیکی یوله سوق ایدیبیلیر . لکن حیات  
اجتماعیهده بویله میدر ؟ . . . .

هر صنفدن ، هر مشربدن انسانلری - او انسانلری که ایچلرندن  
پک آزی بشری احتراصلردن کندیلرینی قورتارا بیلمشلردر - معین بر  
ظایهیه ، الودوغری یولدن سوق ایتمک الهمضل ، الهمشکل رایشدر .  
نفوس بشر قدر معتدل طبایع بشریه موجود ایکن وهر کسک تلقیاتی  
آز چوق یکدیگرندن فرقی بولونیورکن میدیونلرجه فکری بر نقطهده  
برلشدیره جک بر هیئت جامعه بولوق قولای دکلدرد .

ترقی و تجمدد مفهوملری جاذب و پروعدماهیته افکار ایچون شبهه سز  
بر نقطه مشترکه در . لکن یوقاروده سویلدیگمز وجهله ترقی و تجمددی  
ایسته مک بشقه ، اوکا وصول یینه بشقه شرائطه تابعدر .

بوکون ال برلکیله آرزو ایلدیگمز کماله وصول بولوق ایچون عجب  
ناصل بر یول انتخاب ایتمش بولونیوروز ؟ ایسته ترقینک ال صمیمی بر  
هچی ذهنیتیه بوجهتی محاکمه و تحلیل ایتمک بروظیفه در .

حرکات اجتماعیه شبهه یوقدرکه مؤسس رفکرک ، صمیمی بر قاعتک  
مولودیدر . بوتلقی به نظراً حیات اجتماعیده هر شیدن اول او حیانه حاکم  
اولان ذهنیتی دوشونمک لازمکه جکدر .

ذهنیت یامادی ، یامعنوی و باخود هر ایکسینیده احتوا ایدن بر قوه  
محرکه درکه هانکی مبدادن حرکتی کلیرسه آنجق اومبداء طائد منتهاده  
توقف ایدر .

تمامیله مادی بر ذهنیت اجتماعیه بالطبع اخلاقی و معنوی  
موضوعلرله علاقه دار اولماز . غریبه یاریم عصردن بری مختلف  
اشکال و شرائط آلتنده تجربه ایدیلن بومسلکک موداسی کچمشدر .  
مدنیق مستقبل تهلیکه لردن قورنارمق ایچون معنوی ذهنیتیه بر ساحه رواج  
تأمین ایتمک ، مادیاتله معنویاتی سعادت بشریه ، تکملات مدنیه ایچون  
یان یانه یوروتمک غریبک ال یوکسک متفکرلرینک یکانه غایه سنی تشکیل  
ایدیور . بوکونک ال مهم حادثه سی هیچ شبهه سز جهان مسدیت  
افکارنده حاصل اولان بو یکی انطباعدرد . حال بویله ایکن هیئت  
اجتماعیه مزک صرف مادی بر ذهنیتله طریق تجمدد و ترقی اوزرنده  
پورومسنه امکان وار میدر ؟ . . .

افراد و جمعیت ، دو کهنه باصیلدینی زمان حرکتی کلن ماکنه لرکی  
برحس دکلدرد . تصور ایدیله بیلن ال مادی حرکتلرده بیلله اولاحس ،  
مکره خیال ، بعده موازنه و مفکره صیره سیله وظیفه سنی اجرا ایتمدیکن  
مکره نتیجه سی اراده صفحه سنه انتقال ایدر . بناء علیه معنویات

مادیاتک لازم غیر مفارقیدر . بوندن دولاییدرکه هیئت اجتماعیله  
ایچون پاردن ، ژوندن ، وسائط مادیه دن زیاده - مادیاتک یکانه معیار  
کالی اولان - اخلاقه ، معنویاته لزوم واردر . بوکون هیئت  
اجتماعیه مزده موجود بولنان ضرب تقلیدجیلکی ضربی صرف مادیاتدن  
عبارت ظن ایدن یا کلس بر ذهنیتدر . بو اعتبار ایله ایلمک اول تصحیح  
ایده جکمز مسئله ذهنیتمزدر . بزى حقیقی رهایه کوتوره جک ذهنیت  
یوکسک بر ایمان ، قوتلی بر اخلاقه مستند متکمل ومادی بر مساعی  
مفکوره سیدر . بوراده پک جعلی اولاراق اجتماعی فوضالردن ، سقوط  
اخلاقیدن بحث ایتمکله ال حساس نقطهیه تماس ایدیوروز .

بوکون هیچ بر صاحب اذعان انکار ایدمه مزکه ؛ موازنه اجتماعی مز ،  
سجایای روحیه و اخلاقیه مز هیچ یولنده دکلدرد . معنویاتک اهلاندن  
متولد یأس ، بدینک کتدکجه عمومیه شیور . اتخارلر چوظالیور ،  
اعصاب کر کینه شیور . بتون بونلر روحی بر تردینک اعراض ظاهره سندن  
بشقه برشی دکلدرد . اخلاق تلقیلری مدار استهزا کورولیور ، تردیات  
روحیه باش دوندور یچی بر سرعتله ایلرولیور . طائله ساداتی ، حسن  
امتزاج ، عهده وفا . . . بو کیدشله کلمات تاریخیه میانه داخل اولاجق .  
ایشته شیمدی به قدر غرب تقلیدجیلکی هیئت اجتماعی مزه ترقی ، تجمدد  
نامنه آنجق بو فلاکتلری کتیردی . چونکه غریبک پک شایان آرزو  
اولان علم و عرفانی ، مساعی اصوللری برینه یالکنز مساویاتی تقلید  
اولدی . جمعیت مزه مادی رفاهی ، اقتصادی سعادتلری ، علمی فضیلتلری  
بخش ایدمه بیله جک بر طریق تقلید بیراقیله رق مادی هیچ بر فائده تأمین  
ایده مدلدن بشقه معنوی ژوتمز ، موجودیت مزه ، جهانشمول متانت  
اخلاقیه مزه مدهش بر سوء قصد تشکیل ایدن مساویاتک تقلیدی  
اختیار اولدی . حالبوکه اجتماعیات و معنویاتده بز غریبه محتاج دکلدک .  
غرب بزه محتاجدی . ایشته تنظیماتدن بری روح ملی به سریان ایدن  
بو اجنبی فوضالر هیئت اجتماعیه مزنی ال ضعیف بر حاله کتیرمشدر .  
کیم نه دیرسه دیسون ، وضعیت ناصل تاویل ایدیلورسه ایدلسون ،  
بوتنیجه کونش کی آشکاردر .

بوکون اجتماعی موازنه سزلکک ازاله سی چاره لری تأمل اولنورکن  
ذهنیت مسئله سنی معنویات لهنه اماله یه چالیشمالیدر . مادیاتک انکشافی  
سجیهیه ، اخلاقه ، ایمانه متوقفدر . بو محترم مبدألردن اوزاق یشایان  
بر مادیات ، اولمش بر حیوانک جسدی قدر هیچدر . ترقی ، تجمدد ،  
رفاه ، عرفان ، کمال ایچون مادی مساعی لازمدر . غریبک علوم مثبتیه سی  
بزه آچیدر ؛ فقط اجتماعیانته ، مساویاتنه آرتق قبولریمزی قاپامالی بز .  
ترقی و تجمدد ایچون تک بر چاره واردر . اوده قوتلی ایمان ، قوتلی اخلاق

مسئله حکمت